

SENI SANA SINI

SAINGAN SENGIT DIKIR BARAT

Oleh
Amirul Putra

PERTANDINGAN Dikir Barat Nasional atau Mega Perdana 2008 (MP 2008) anjuran Gabungan Kumpulan Dikir Barat Singapura (Gabungan) masuk kali yang ke-10.

Saingan sengit dijangka di peringkat akhir tahun ini dengan lapan kumpulan finalis seperti Keris, Andika, Teh Anang, Nang Kepong Nang, Si Anak Seni, Sireh Bertepuk Pinang Menari, Durba Dua dan Andika Kencana saling berentap.

Pertandingan gah ini akan diadakan di Auditorium NTUC, Shenton Way, esok bermula 4 petang.

Menurut penganjur, pertandingan yang menjadi wadah kepada anak muda mengekspresikan kreativiti kesenian pentas ini turut menggalak gaya penulisan bagi menghasilkan seni kata bermutu untuk dinyanyikan para aktivis dikir.

Hadiah-hadiah individu seperti Juara, Tukang Karut, Penulis Seni Kata, Kesenian, Paluan dan Awok-Awok Terbaik serta Harapan akan menyaksikan kehebatan kesemua kumpulan finalis.

Sebuah piala Kumpulan Wanita Terbaik akan diberi kepada satu kumpulan wanita yang telah menunjukkan prestasi terbaik sepanjang pertandingan ini.

Kesemua tiket berharga \$20, \$25 dan \$30 telah habis dijual.